

ԱՐՁԱՆԱԳՐՈՒԹՅՈՒՆ N-9

ԵՊՀ ԻՄ ՏՆՏԵՍԱԳԻՏՈՒԹՅԱՆ ՖԱԿՈՒԼՏԵՏԻ ԳԻՏԱԿԱՆ ԽՈՐՀՐԴԻ ՆԻՍՏԻ

29. 06. 2019թ.

ք. Իջևան

Նախագահ՝ Գ. Ավետիսյան

Քարտուղար՝ Ա. Ալեքսանյան

Տնտեսագիտության ֆակուլտետի գիտական խորհրդի նիստին մասնակցում էին ԵՊՀ ԻՄ-ի տնօրենի պաշտոնակատար պր. Ա. Ցուցուլյանը և խորհրդի 13 անդամ:

Բաց քվեարկությամբ ընդունվեց նիստի օրակարգը:

Օրակարգ

1. Ֆակուլտետի մասնագիտական ամբիոնների 2018-19 ուս. տարվա գործունեության վերաբերյալ ամբիոնների վարիչների տարեկան հաշվետվություն /Զեկ. Մ.Միքայելյան, Գ. Հովհաննիսյան/ :
2. Ֆակուլտետի ըստ մասնագիտությունների 2019թ.-ի ավարտական կուրսերի ամփոփիչ ատեստավորման (ավարտական աշխատանքների պաշտպանության) արդյունքների քննարկում: /Զեկ. Մ.Միքայելյան, Գ. Հովհաննիսյան/ :
3. ԿԾ պատասխանատուների 2018-19 ուս. տարվա գործունեության վերաբերյալ տարեկան հաշվետվություն / Զեկ. Ա. Սարիբեկյան, Ա. Ուլիխանյան/:
4. 2018-19 ուս. տարվա երկրորդ կիսամյակի երկրորդ ընթացիկ քննությունների և ստուգումների ամփոփում / Զեկ. Գ. Ավետիսյան/:
5. Ֆակուլտետի մասնագիտությունների ուսումնական աշխատանքային պլանների քննարկում և հաստատում /2019-2020/ Զեկ. Մ. Միքայելյան, Գ. Հովհաննիսյան /:
6. Ֆակուլտետի մասնագիտական ամբիոնների ամբիոնային բեռնվածությունների քննարկում և հաստատում: /Զեկ. Գ.Ավետիսյան/:

1. *Լսեցին- Ֆակուլտետի մասնագիտական ամբիոնների 2018-19 ուս. տարվա գործունեության վերաբերյալ ամբիոնների վարիչների տարեկան հաշվետվությունների մասին /Ձեկ. Մ.Միքայելյան, Գ. Հովհաննիսյան/ :*

Լսեցին- Ընդհանուր տնտեսագիտության ամբիոնի վարիչի պաշտոնակատար Մ. Միքայելյանին

Մ. Միքայելյանը նշեց, որ «Ընդհանուր տնտեսագիտություն» ամբիոնի աշխատանքները կազմակերպվել են համաձայն հաստատված ամբիոնի աշխատանքային պլանի: Ամբիոնի բոլոր դասախոսները աշխատել են հաստատված անհատական ծանրաբեռնվածությունների շրջանակում և հիմնականում կատարել են այն պահանջները, որոնք նախատեսված են եղել ուսումնական գործընթացի տարբեր օղակների համար սահմանված ծրագրերով: ուսումնական պլանի համաձայն անհրաժեշտ ծավալի դասաժամերով կարդացվել են դասախոսություններ, անց են կացվել սեմինար ու գործնական պարապմունքներ, ինչպես նաև համապատասխան ընթացիկ ու ամփոփիչ քննություններ և ստուգումներ: Կատարվել են դասալսումներ, փորձի փոխանակում, համատեղ սեմինարներ, որոնց վերաբերյալ անցկացվել են քննարկումներ համապատասխան ամբիոնի նիստերում: Ամբիոնի դասախոսների կողմից հրապարակվել են 9 գիտական հոդված:

Հաշվետու ուստարում ընդհանուր տնտեսագիտության ամբիոնի ասիստենտ Գ. Ավետիսյանը ՀՀ ԲՈԿ-ի կողմից ստացել է դոցենտի կոչում: Ա. Սաիբեկյանը և Ա. Ալեքսանյանը ԵՊՀ Իմ կողմից ստացել են ասիստենտի կոչում:

Լսեցին.- Տնօրինի կառավարման և մշակութաբանության ամբիոնի վարիչի պաշտոնակատար Գ. Հովհաննիսյանին

Գ. Հովհաննիսյանը ներկայացրեց, որ 2018-2019 ուս. տարում «Տնօրինի կառավարման և մշակութաբանություն» ամբիոնի ժամերը բաշխվել է ամբիոնի 11 դրույքով և 4 ժամավճարային հիմունքներով հրամանագրված աշխատակիցների միջև: Ամբիոնի գործունեությունը ճիշտ կազմակերպելու համար կազմվել են աշխատանքային գրաֆիկները և ժամանակացույցերը: Ամբիոնում իրականացվել է ավարտական և կուրսային աշխատանքների բաշխում: Ներկայացվել է դասախոսի անհատական զարգացման պլանը, կատարվել է փոխադարձ դասալսումներ: Երիտասարդ դասախոսների համար իրականացվել է խորհրդատվություն, մասնավորապես ուսումնական փաթեթի կազման

վերաբերյալ: Ամբիոնի դասախոսների կողմից իրականացվել են դասալսումներ, անյուհետև արդյունքների քննարկում, տրվել են կոնկրետ լուծումներ: Ամբիոնի ուշադրության կենտրոնում է նաև դասախոսների գիտական գործունեությունը:

Արտահայտվեցին.- Ա. Պոտոսյանը

Նա նշեց, որ ամբիոնների վարիչները լուրջ վերաբերմունք դրսևորեն դասախոսների գիտական աշխատանքների նկատմամբ: Հնարավորիս հետամուտ լինեն ուսումնամեթոդական հրապարակումների մասնակցությանը: Հրապարակումները լինեն ԲՈԿ-ի կողմից երաշխավորված հանդեսներում:

Որոշեցին.- Ֆակուլտետի մասնագիտական ամբիոնների 2018-19 ուս. տարվա ամբիոնների վարիչների աշխատանքները գնահատել բավարար:

2. Լսեցին.- Ֆակուլտետի ըստ մասնագիտությունների 2019թ.-ի ավարտական կուրսերի ամփոփիչ ատեստավորման (ավարտական աշխատանքների պաշտպանության) արդյունքների քննարկման մասին: /Զեկ. Մ.Միքայելյան, Գ. Հովհաննիսյան/:

Մ. Միքայելյանը նշեց, որ ավարտական աշխատանքների պաշտպանության արդյունքները գոհանցնում են, քանի որ գերազանց գնահատական են ստացել ինը ուսանող, բավարար՝ երեքը, իսկ մնացածը՝ լավ: Այս ցուցանիշը վկայում է այն մասին, որ նախապես կազմակերպված նախապաշտպանության ընթացքում բացահայտվել են թերությունները, շտկվել են բացթողումները: Ավարտական աշխատանքների պաշտպանության ընթացքում ուսանողները լիովին տիրապետում էին իրենց թեմային և կարողանում էին պատշաճ ներկայացնել:

Գ. Հովհաննիսյանը ներկայացրեց, «Զբոսաշրջություն» մասնագիտության ավարտական աշխատանքների պաշտպանության արդյունքները՝ նշելով, որ ընդհանուր առմամբ գոհացնող են: Սակայն որպես թերություն նշեց, աշխատանքներում ինքնուրույնության պակասը, թույլ վերլուծական մտքը բացակայությունը: Նա նշեց նաև, որ այդ ամենը նախապաշտպանությանը ոչ բավարար մոտեցումն էր:

Արտահայտվեցին.- Ա. Սարիբեկյանը:

Նա նշեց, որ «Տնտեսագիտություն» մասնագիտության ավարտական աշխատանքների պաշտպանության արդյունքները գոհացնող են, քանի որ թեմաները ընտրելուց հետո

ուսանողները ուղորդվել են պրակտիկայի այն վայրերը, որտեղ իրենք կարող էին ինքնուրույն կատարել վերլուծություն:

Որոշեցին.- Ֆակուլտետի ըստ մասնագիտությունների 2019թ.-ի ավարտական կուրսերի ամփոփիչ ատեստավորման (ավարտական աշխատանքների պաշտպանության) արդյունքները ընդունել ի գիտություն:

3. Լսեցին.- ԿԾ պատասխանատուների 2018-19 ուս. տարվա գործունեության վերաբերյալ տարեկան հաշվետվության մասին / Զեկ. Ա. Սարիբեկյան, Ա. Ուլիխանյան/:

Լսեցին.- «Ֆինանսներ» ԿԾ պատասխանատու Ա. Սարիբեկյանին:

Ա. Սարիբեկյանը նշեց, որ 2018-2019 ուս տարվա ընթացքում կատարված աշխատանքները բխել են «Ֆինանսներ» մասնագիտության կրթական ծրագրերի ղեկավարի աշխատանքային պլանի համաձայն, որը ելնում է ԵՊՀ ԻՄ ռազմավարական ծրագրից, մասնաճյուղում գործող կանոնակարգերից, ՏՖ կանոնադրությունից, աշխատանքային պլանից և «Ընդհանուր տնտեսագիտություն» ամբիոնի աշխատանքային պլանից: Ա. Սարիբեկյանը արժևորելով դասընթացի փաթեթների դերը, նշեց, որ հատուկ ուշադրություն է դարձված դրանց կատարմանն ու կատերալագործմանը: ԿԾ պատասխանատուն ներկայացրեց նաև 2019-2023 թթ. ուս.տարվա «Բակալավրիատի ուսումնական պլանը», որը կազմվել է 2018 – 2022 թթ. ուստարվա պլանի հիման վրա, որոշակի փոփոխություններով: Նա նշեց, որ փոփոխությունները կատարվել են դասախոսական անձնակազմի, ուսանողների հետ քննարկումների, բեչմարքինգի և «Բակալավրիատի ուսումնական պլան»-ին ներկայացվող նորմատիվների հիման վրա: Փոփոխությունները կբարելավեն ուսման որակը և կնպաստեն ուսանողների հետաքրքրվածությանը դեպի մասնագիտությունը: Երկրորդ մասնագիտական պրակտիկական հնարավորություն կտա ձեռք բերել գործնական հմտություններ, ստեղծել տեղեկատվական բազա և կողմնորոշվել նախադիպլոմային մասնագիտական պրակտիկայի վայրի ընտրության հարցում: Ա. Սարիբեկյանը նշեց, որ ունեցել էք այցելություն ԿԲ Դիլիջանի ուսումնառատագոտական կենտրոն, որից 2-ը ճանաչողական այց, 3 -ը սեմինար- պարապումք դասընթացներից դուրս: Իսկ 2 /երկու/ կուրսում երեք առարկայից իրակացվել է մնացորդային գիտելիքի ստուգում:

Լսեցին.- «Զբոսաշրջություն» ԿԾ պատասխանատու Ա. Ուլիխանյանին

Ա. Ուլիխանյանը նշեց, որ 2018-2019 ուս տարվա ընթացքում ԿԾ պատասխանատուի կատարված աշխատանքները բխել են «Զբոսաշրջություն» մասնագիտության կրթական ծրագրերի ղեկավարի աշխատանքային պլանի համաձայն, որը ելնում է ԵՊՀ ԻՄ ռազմավարական ծրագրից, մասնաճյուղում գործող կանոնակարգերից, ՏՖ կանոնադրությունից, աշխատանքային պլանից և տուրիզմի կառավարման և մշակութաբանության ամբիոնի աշխատանքային պլանից: Պարբերաբար կազմակերպվել են փոխադարձ դասալսումներ՝ դասավանդման առաջավոր փորձի փոխանակման նպատակով: Մշակվել է ուսանողների կարիերային նպաստող լրացուցիչ պրակտիկայի (ինտերշիփ) իրականացման ծրագրեր /այցելություն Գոշի լիճ, Կենտրոնական բանկի Դիլիջանի ուսումնա-հետազոտական կենտրոն/: Կազմակերպվել են ուսանողների այցելություններ մարզի տարբեր ձեռնարկություններ՝ ուսումնական պրակտիկաների շրջանակում, հանդիպում է կազմակերպվել Խաշթառակի միջնակարգ դպրոցի ավարտական դասարանների աշակերտների հետ՝ մասնագիտական կողմնորոշման նպատակով:

Որոշեցին.- «Ֆինանսներ» և «Զբոսաշրջություն» ԿԾ պատասխանատուների 2018-19 ուս. տարվա աշխատանքները գնահատել բավարար:

4. Լսեցին.- 2018-19 ուս. տարվա երկրորդ կիսամյակի երկրորդ ընթացիկ քննությունների և ստուգումների ամփոփման մասին /Ձեկ. Գ. Ավետիսյան/:

Գ. Ավետիսյանը ներկայացրեց 2018-19 ուս. տարվա երկրորդ կիսամյակի երկրորդ ընթացիկ քննությունների և ստուգումների ամփոփագիրը: Նա նշեց, որ ֆակուլտետում ընթացիկ քննություններին ու ստուգումներին մասնակցել է 74 ուսանող: Ընթացիկ քննությունների միջին գնահատականը ֆակուլտետում 2,94 է, ընթացիկ ստուգումների միջին գնահատականը 7,20: Արդյունքները քննարկվել է ուսանողների հետ, գրավոր բողոք չի ներկայացվել: Երկրորդ ընթացիկ ստուգումների և քննությունների կտրվածքով իրականացվել է վերլուծություն, ըստ որի ստացել ենք ամբողջական պատկեր: Վերլուծությունը մանրամասն ըստ դասընթացների քննարկվել է ամբիոններում:

Արտահայտվեցին.- ԵՊՀԻՄ տնօրենի պաշտոնակատար Ա. Ցուցույանը

Ա. Յուգուլյանն անդրադարձավ, բոլոր այն հարցերին, որոնք քննարկվել են: Նա շեշտը դրեց մնացորդային գիտելիքի ստուգման գործընթացին, քանի որ այն վեր է հանում ուսուցման, մեթոդական, բովանդակային թերությունները: Լրացուցիչ պրակտիկայի կազմակերպումն անհրաժեշտ է կազմակերպել նախապես ծրագրավորված, որը հստակ կարտացոլի ժամանակացույցը, վայրը, մասնակիցների թիվը և ծախսերը:

Զբոսաշրջություն մասնագիտության վերաբերյալ ներկայացրեց իր դիրքորոշումը՝ կարևորելով օտար լեզվի իմացությունը: Նա նշեց նաև, որ կրթական ծրագրի պատասխանատուները պետք է հստակ հետևեն վերջարդյունքների ձևավորմանը:

Ա. Յուգուլյանը կարևորեց նաև «MOODLE» ծրագրի իմացությունը՝ նշելով յուրաքանչյուր դասախոս պետք է մեկ դասընթաց իրականացնի հենց այդ ծրագրով:

Որոշեցին. - 2018-19 ուս. տարվա երկրորդ կիսամյակի երկրորդ ընթացիկ քննությունների և ստուգումների արդյունքները ընդունել ի գիտություն:

5. Լսեցին.- Ֆակուլտետի մասնագիտությունների ուսումնական աշխատանքային պլանների քննարկում և հաստատում /2019-2020/: / Զեկ. Մ. Միքայելյան, Գ. Հովհաննիսյան/

Լսեցին – Մ. Միքայելյանին

Մ. Միքայելյանը նշեց, որ 2019-2020 ուս. տարվա «Ֆինանսներ» մասնագիտության աշխատանքային ուսումնական պլանը կազմվել է ելնելով նախորդ երեք տարիների ուսումնական պլաններից, իսկ չորրորդ կուրսի ուսումնական աշխատանքային պլանը՝ 2016 - 2020 ուս. տարվա «Տնտեսագիտություն» մասնագիտության ուսումնական պլանից: 2019 - 2020 աշխատանքային ուսումնական պլանների ժամանակին քննարկման և հաստատման հարցը շատ կարևոր է ամբիոնի աշխատանքների կազմակերպման համար, որովհետև դրա հիման վրա պետք է անմիջապես սկսել ամբիոնային և անհատական ծանրաբեռնվածությունների աշխատանքները:

Նա նշեց, որ 2019 - 2020 աշխատանքային ուսումնական պլանների նախագիծն ամբողջությամբ համապատասխանում է ներկայացվող նորմատիվային պահանջներին և կարելի է ներկայացնել գիտական խորհրդի հաստատմանը:

Լսեցին - Գ. Հովհաննիսյանին

Գ. Հովհաննիսյանը նշեց, որ 2019-2020 ուս տարվա «Զբոսաշրջություն» մասնագիտության աշխատանքային ուսումնական պլանը կազմվել է ելնելով նախորդ երեք տարիների ուսումնական պլաններից, իսկ չորրորդ կուրսի ուսումնական աշխատանքային պլանը՝ 2016 - 2020 ուս. տարվա «Մերվիս» մասնագիտության ուսումնական պլանից:

Արտահայտվեցին – Ա. Սարիբեկյանը, Ա. Ուլիխանյանը

Արտահայտվողները նշեցին, որ ներկայացված աշխատանքային ուսումնական պլանների նախագծերը ամբողջությամբ համապատասխանում է ներկայացվող նորմատիվային պահանջներին և կարելի է ներկայացնել գիտական խորհրդի հաստատմանը:

Որոշեցին– հաստատել Ֆակուլտետի «Ֆինանսներ», «Տնտեսագիտություն», «Զբոսաշրջություն» և «Մերվիս» մասնագիտությունների 2019-2020 ուստարվա ուսումնական աշխատանքային պլանների նախագծերը և ներկայացնել ԵՊՀԻՄ գիտխորհրդի հաստատման:

6.Լսեցին.-Ֆակուլտետի մասնագիտական ամբիոնների ամբիոնային բեռնվածությունների մասին: /Զեկ. Գ. Ավետիսյան/:

Լսեցին - Գ. Ավետիսյանին

Գ. Ավետիսյանը նշեց, որ ֆակուլտետի գիտխորհրդի հաստատման է ներկայացվել Ընդհանուր տնտեսագիտության և Տուրիզմի կառավարման և մշակութաբանության ամբիոնների ամբիոնային բեռնվածությունները, որոնք կազմվել են ուսումնական աշխատանքային պլանների հիման վրա և քննարկվել են համապատասխան ամբիոններերում:

Արտահայտվեցին – Մ. Միքայելյանը, Գ. Հովհաննիսյանը

Նրանք նշեցին, որ ամբիոնային բեռնվածությունները քննարկվել են ամբիոններում, նկատառումներ չեն եղել պայմանավորված այն հանգամանքով, որ ամբիոններում քննարկվել և կարգավորվել են և ուսումնական (2019-23թթ.), և աշխատանքային ուսումնական պլանները (2019-2020 ուստարի): Ուստի առաջարկեցին հաստատել ամբիոնային բեռնվածությունները:

Որոշեցին– Հաստատել Ընդհանուր տնտեսագիտության և Տուրիզմի կառավարման և մշակութաբանության ամբիոնների ամբիոնային բեռնվածությունները:

Գիտական խորհրդի նախագահ
Քարտուղար

Գ. Ավետիսյան
Ա. Ալեքսանյան